

شال منقوش

زينة تلّون وش الحارة
وش الحارة كله عيال
جوّا عيونهم فرحه تلالي
ضلّ الحاره عليهم شال
شال منقوش..

على شكل فانوس
نوره بيطرح ضيّ هلال
تسابيح دايره تلم حروفها
لاجل نشوفها..

ف راحة البال
مادنة بتفطر ويّا آدان
لمّه ف لقمه بس حلال
جوّا الروح تراويح يا جلال
دقّ الطبله وقول موال

يسرح جَوًّا حيطان البيت
طلّ الفجر علينا ومال
صَلِّي وَسَبِّح..
إدعي وطوّل
واختم ليلك بالقرآن
كحلّ عينك وارضي ضميرك
بالإيمان
شهر مبارك هل هلاك
يا رمضان

....